

علوم، اقتصادیه و اجتماعیه

مجموعه کلا

هر آيت اون بشي کوني نشر اولنور

مؤسلى :

احمد شبيب، رضا توفيق، محمد جابريه

مذمومات:

حریت مذہبیہ : احمد شبيب . — اوکوست قونت : خالدہ
 صالح ، صالح ذکی . — تجارت اودالری : محمد جابريه . —
 اخلاق نفوسہ تأثیری : رضا توفيق . — مصرده بحران
 مالی : علی سجاد . — نشریات ووقایع اقتصادیه : محمد جابريه .
 فرانہ اختلال کبیری : احمد شبيب .

مدیر و صاحب امتیازی :

محمد جابريه

نسخہ سی : ۱۰ غروش

استانبول

امور ابارہ و تحریریه : باب عالی جادہ سندنہ ہرول مطبعہ سی ، نومرو ۶۶

فرانسېدال کيری

— مایند —

هېان هېچ بر مکتب یوق کبی ایدی. بر جوق فرانسز لراسمیری یازامبورلردی. ولایتلرله پایتخت اراسنده کی حفرة عمیق کیتدکجه تزايد ایدیورالک مهم حادثاندن ولایاتک خبری اولیوردی. افکار جیده دن محروم، خیالاته مشبوع اولان بوابدائی دماغلره طایفه حق آدملا لازمدر. انظام اجتماعی، تلقیات مجردة ایچون بویله قفاده یر یوقدر. کتله ناسک قسم اعظمی دین نامنه پاپاسی، قانون نامنه مافوقی، اخلاق نامنه منفعتی طایوردی. انواع خرافات درمال برر حقیقت شکلی اکتساب ایدیوردی؛ مثلاً: اون بشجی لوبی نکی پیروانمش وجودینی تعمیر ایچون قان بانیوسنه کیردیکنه، قحطک حقیقی اولمایوب حکومت طرفندن یاپدیرلدیغنه، اولنلرک سن نهیرینه دوکولدیکنه اینایورلردی. صنوف سفیله جمعیته اون التجبی لوبی، ماری آنتوانت، قونت دارنوو و مادام دولابهله قارشى مدهش و مهراز بر رومان وجوده کلیور. صید نقوده خدمت ایدن برطاقم مطبوعات رزیله ده بوکا یارديم ایدرک خیالطه ناسده قانلی بر انتقام تجسم ایتدیر یورلردی؛ بو بچاره لرك خیاللری نه قدر کنیش ایسه نظرلری ده اودرجه قیصه ایدی. ارتق نه رسوم، نه ده تکالیف؛ یالکز اکمک! ایشته فریادیکانه، فریاد احتیاج! کبر سین محتکر! دفتر تکالیف، حسابات ایشته! ارتق هر نوع قیوددن قورتولان بوغا اغزندن کوپوکارینی صاچه رق اوکته هر نه کلیرسه چارپوب

قيريور . بو عصيان عمومى به قارشى قوت نروده ؟ آسايش وانظامى
 محافظه يه مأمور اولان يوز الله بيك كيشى ده عين قفاده عين فكرده ايدى .
 حقمنزلق ، سوء استعمال جمعيتك المحاربه بادي اولدينى كي اردوينى ده
 داغيتمشدى .

اون آلتنجی لویی اداره حکومت ایچین هیچ حاضر لانا مشدی. مع مافیه عقل سلیمه مالک واولدوچیه هوسکار تتبع ایدی. حیات معاشقادتین قاجدینی کبی قاردن ده قورقو یوردی. بوتون کون آوارقه سنده دولاشیور. واشتهای بی نهایتی کندی اکتزیا سؤ هضمه مبتلا ایدیوردی. ماهیت جلیه سی ضعیف ومعدن ایدی. برآز صاحب معلومات ایسه ده اداره دوله تماس ایدن علملری بیلمه دیکی کبی مصالح دولت ایله ده اشتغال ایتمه مشدی. قرال اولدوغی زمان « ۱۰ مایس ، ۱۷۷۴ » ایلک حسی قورقو اولدی. اهلیتسرلکنی آجی بر صورتده بک چابوق آکلادی.

فرانسه ده قرال اساساً صنوف ممتازه نك اك بویوکی عادتاً بواركان حرب هیأتنك جنرالی کیدی. انسانلر ایچین ایکی شی بک فنادر. ابتلاء عطالت و مطلق العنان اولمق. عطالت و اقتدار مطلق متحرکیت حیاتییه و طبع بشره منافیدر. هرشی یا بایلمکه مقتدر اولان بر حکمدار مستبد هیچ برشی یا پامیان زادن قدر فائده سز و مضر در. قرال فرانسه نك زمام مقدراتی ، قوای عمومی سنی یداختیارینه آلمقله بوتون وظائفی در عهده ایش اولیوردی. حالبوکه بواویله دهشتلی مشاغلدرکه اقتدار بشرک فوقده در. مفردات امور قدر قرالک تدقیق ایدهرک برقرار ویرمه سی ایجاب ایدیور. بوتون فرانسه اقلام ایله اداره اولونیوردی. مرکزده کیفی احکام اقلامیه وهریرده مساعدات و معافیات حکمفرمادی. هیچ بر اصول مراقبه تابع اولمایان جاهلانه بر اصول مرکزیت بوتون فرانسه یی مأمورین اداره نك پای تجاوزاتی آلتنده خراب ایدیوردی. مرکزیت اداره او یله شوش ، معظم

برشیدرکه بونکله الحبق قارا کلقده یاناغدن فیولایان برابکنجی فره دربق
ویا کونده اون ایکی ساعت چالیشان برنا بولیون نونا پارت باشه چیقاییلیر .
بویله برشکل حکومته فوق العاده فعالیت، یوکسک بردهای تمشیت لازمدر .
اون آلتنجی لویی ایسه برنکه بان متیظ اولاجنی یرده مانکه اداره یی
کندی باشه براقشدی ! پومبادور سانفی حقنده دیرکه : « قرال خزینة
دولتدن بر میلیون صرف ایدلسنی متضمن بر کاغده هیچ دوشونمکسزین
وضع امضا ایلرده ، کیسه سندن یوز لویی التون چیقما سی اقتضا ایتدیکی
زمان درین درین دوشونور و بیک درلو مشکلاته اعطا ایدر . »

قرال شهبه سز نامه یاپیلان فنا قلردن متأثر دی . لکن کندی مجرم
عدا یتیموردی . فرانسه اجدادندن منتقل بر مالکانه اولوب کندی ده ملتک منفرد
وکیل دائمیسیدر . واردات عمومیة دولتی ده واردات ذاتیه سی کبی تلقی
ایدیوردی . فرانسه ، قرالالریک بر چقتلکی ایدی . بو چقتلک اسانده
پک کوچوک ایکن یا واش یا واش توسیع ایدلمشدی . چونکه متصرفی
قومشورینه پک ایی ضربه لر ایندیرمشدی . و بر چوق نقطه لرده قرالک
منفعتی ، عزت نفسی منفعت عمومیه ایله مشترک دی . اتساعات الکائیة همان
بلا فاصله دوام ایتیش و مملکت ایسه امثاله نسبتله گوزل اداره ایدلمشدی .
امور دیده مقربین ، حکمدار فنا یوله کیتدیکی وقت اونی طریق مستقیمه
دعوت ایدیور و وضع مبانی عمران و مدینه چالیشماسنی سویلیوزلردی .
لکن فرانسه نتیجه ده بر چقتلک اولوب صاحبی بونی حسن استعمال و یا سوء
استعماله هر وقت مقتدردی . اولاء نفس نفیسی ، ثانیاً اقربا و تعلقاتی
ثالثاً ، مداهنلرینی برر برر ممنون ایتیمک ایجاب ایدیور . واک نهایته ملت
کلیوردی . مثلاً یوزنه ظرفده - ۱۷۷۴ ، ۱۶۷۲ - صرف تفاخر ایچین
یا منفعت عالیه یی تأمین و یا خود برقادینه خوش کورونمک اوغورنده قرالالر

مخاربه لر ایتشلردی ! اون بشنجی لوی متره سلرندن یالکز بومبادور ایچین
۳۶ میلیون - زمانمز حسابله ۷۴ - صرف ایتش، برچوق قادینلره مستوفی
معاشر تخصیص ایتش بورجلرینی اوده مشدر .

بر عصر دئیری ارکان حرب هیاتی باش جنراللرینک صالوننده
طوبلانمشلردی . ورسای سرایی مرصع ومذهب بر مجموعه زینت واحتشام
ایدی . کیرا عربلری پارسدن ورسایه دوغرو مقادیا آقیوردی . اوپله
قودورمش آنلر واردی که اورایه اوچ ساعتده کیدوب دنیوردی .
وقوچه ورسای یالکز بر آدمک حیاتله مشغول ومسکون کیدی . سراپک
اطرافنده بویوک عائله لرده مدبدب ومظنطن کاشاهلری واردی . یالکز
سرای زمانمز حسابله ۷۵۰ میلیونه چیقمشدی . الیوم اواسکی ورسایک
بعض اقسامی موجوددر . سراپک پارق انساننی بر استغراق عاشقانه
سوق ایدن ، هر نقطه سی بر گوشه سودا تشکیل ایله ن پارقلردن اولما بوب
عادتا بر صالونندی . اوراده طبیعت طبیعی هیچ بر شیشه مالک دکدی . دست
بدیعه کار هنرک وجوده کتیردیکی مستوی وعمودی خیابانلرده بر چوق
کیسه لرله برلکده جریتله کزه بلمت اوزره یانیشدی .

شاتوبریان دیرکه : « ورسایک منظمه سی کورمده ن هیچ برشی کورمه مش
کیدر . » بوتون بویوک صنعتکارلر سحر صنعتلریله ایجاد نقائس ، ابداع
محاسن خصوصنده یکدیگریله رقابت ایتشدی . ورسای انان مذهبه سی ،
شلاله انواریه بر اوپه را محنه سینه بکزیوردی . ذاتا اوراده انسانلرک
حیاتی بر اوپه را ایدی . قرالک ورسایدن ماعدا مزینات بدایع پرورانه
ایچنده سن ژرمن ، فونته نبلو ، سن قلو ، رامبویه کبی اون ایکی اقامتگاه
اولوب بونلرک هپسنگ مدیرلری ، مفتشلری ، قاجیلری ، باغچوانلری
واردی . شاتیینی نک اخورلری برر سرایدی . آت قولانمق دره بکلک

صنعتنن معدود ایدی . و برکار ایچین بوندن طینی بر سوس یوقدر .
 اوزمان تاز و تربیه لی بر ذات یرینه « مکمل بر قوالیه » تعبیری قوللانیلیردی .
 بر ذوق دیکرده صید و شکار دی . قرال حیاتنک قسم اعظمی رامبوییه ،
 قونته نیلو اورمانلرنده کچیریور و بو اوغورده پک چوق باره صرف ایدیوردی .
 پرنس و پرنسسلرک معیتلرنده کی خدمتکارلر یوزلرله اولوب چوغی
 زینت قیلندن ایدی . بالطبع قرالک قرناسی ، پاپاسلری ، هکیملری ،
 جراحلری ، اجزاجیلری ، محافظلری ... لایمیدی . انک کوچک برایش
 مثلا قرالک قراواتی باغلامق ، باستونی طوتمق ، مندیلی و یرمک ایچین
 برر مأمور مخصوصی واردی !

سرای حکمداری منبع لطف و کرمدی . کویا ادعای مساوات ایله یز
 جمعیت حاضرده بیله بر زواللی غزته چی ، بر پچاره مبعوثک اطرافتی
 دوست نامی التنده بر سور و طفیلی ریا کار قوشاندینی حالده ارتق اروق
 ورسای سالوننک نه درجه تبصصات کاذبه به مرکز اولاجنی ادنا بر ملاحظه
 ایله اکلاشیلیر . باخصوص بوتکاپوی ذیلاننه قراله قارش بر وظیفه ایدی .
 وقرال کیلرک کلوب کیلرک کله دیکنه دقت ایدیوردی . قرالیتک برنجی
 صنف آقورلری ، ارکک ، قادی ، پاپاس ... بوتون بونلر ایچین انک بویوک
 ایش ، باشلیجه وظیفه حیات ، سعی حقیقی هر زمان قرالک نظاری اوکنده
 بولونمقدی . دالقا ووقلر کولکه جسمی فصل تعقیب ایدرسه قرالی ده ایسته
 اولیه تعقیب ایدیورلردی . بونلرک ایچلرنده اوله لری واردی که تام اون
 سنه براذن بیله آلامق سزین یانندن انفکاک ایتمه مشدی . قراله یا قلاشمق ،
 اونلک خدمتکاری اولق بو بر امتیازدی که صاتون آلتیوردی .

اوزمانک مسامره لری ، مرقصه لری ، بالورلی شایان تماشا بر منظره
 ایدی . صالونلرک مفروشانی ، مصنوعات کزیده قوللکسیوناری ، مدعوینک

تووالتری پک بارلاقدی . هریر ، هر طرف سیم وذهب ، انجی و الماس
ایچنده ایدی . محیطک طنطنه تشعشعاتی قارشیشنده انسان شایر بیوردی .
بواویله متحرک بر دسته الوان وانوار ایدی که شمعنه ظاهریه سنه کوز تحمل
ایده بیوردی . شیدیکی کبی ارککلر سیاه البسه کیزلردی : هپسی بودرالی ،
داننلالی ، اینکلی ، صیرمالی البسه لر ایچنده ایدی . ارککلر ، قادینلر قدر
سوسلو ایدی . هپسی موندن شیق ، ظریف ، ترسیلی . بوراده برتوالت ،
اوتده صرف ایدیلن برنکته صنعت جمعیتک ، قواعد ظرافت و ادبک برار
نفیسی ایدی . پارس حیات کزیده ذوقیک تفاسست ظرافتی ، لسان نزاکت
و نزاهتی و رسایه یاقلا شامپورو سرایک یاننده دائماً برولایتلی کبی قابلودی .
بوصالون النون و بللوردن معمول اوویه اینجه برشیشه ایدی که ایچنه بوتون
فرانسه نك انک کبار روحی آقیدلمشدی .

مسافر پرور اولق پک قولای برشی دکدر . هله انسان کونده بش بوز
مسافر قبول ایده رک هپسی آری آری ممنون ایتک مجبوریتنده اولورسه ! بو
اوویه برطرز حیاتدرکه متضاداً بخنه اوستنده بونان بر اقتورک حله بکزر .
بوویه برحیاته تحمل ایده بیلک ایچین اون دردنجی لوی قدر قوی البیه
اولمالیدی . خلفلری بوحموله مشقت واضطراب اتنده ازلکه باشلادیلر سده
واز یکمک ارتق غیر قابلدی . حکمدارک بوتون صفحات حیاتی بر طاقم
مراسم و تشریفات ، قبوده تابعدی . بو مراسمدها قرال اواینیرکن باشلاردی .
اوطمه سنه یکدیگری متعاقب بر ترتیب اتنده برچوق بندکان کیررو بوصفوف
متسلسله قارشیشنده قرال کینرک دعا ایدیلردی . یالکز بو ائشاده جریان
ایدن صحنات مضحکه بش پردلک بر او یون تشکیل ایده بیله جک درجه ده
ایدی ! آنیکتک ، بویوک ضیافتدره کی مراسمک ، سولنمسی ایجاب ایدن
سوزلرک تفصیلاتی ایچین جلدلر یازمالیدر .

ایشن بر آریستوقراسی بی مشغول ایتک ایجین بوغریب تشریفاندن
 باشقه برشی دوشونوله من . قرالک بوتون خطواتی ، بوتون اوضاعی اولدن
 مرتبیدی . اگر فکر ذاتیسی وارسه اون بیله بوغقم لازمدی . چونکه
 انسان صحنیه چیقیدنی وقت ارتق برشی دوشونمکدن ، دالنین اولق
 حقندن محرومدر . یالکزر روننی حسن ایفا ایتمکله ، کلغدر . قرالک بوتون
 کونلری همان یکدیگرینک عینی ایدی . والحاصل حکمدار کوکندن تا
 تپه سنه قدر کووده سنک اطرافنه صاریلان بی نه یاه صارماشقارله بوغولمش
 برمیسه کیدی . بویه برطرز حیات ، طرز اداره ده هیچ هوا یوقدر .
 برمنفس لازمدی . ایشته بوکا قارشی لونی آوه چیقور وچلکریک
 یاپیوردی ! واک بویوک ، انک مهم مشغولیتی آوه چیقمدی . بوندن
 محرومیت قدر آجی برشی اولامازدی . روزنامه سنی مطالعه ایدیکنز .
 آوه کیمه دیکی کونلری بر « هیچ » ایله کچیور . مثلاً نه کرک یوم انفصالده ،
 « هیچ ! » عودتده ینبر « هیچ ! » قیدندن باشقه بر مطالعه سرد ایتور .
 بووقوعات اودرجه اهمیتسز شیلر !

قرالیمه ماری آنتوانه ته کلیمه او بوس بوتون باشقه بر طبیعتده ایدی .
 یورورکن ، دورورکن ، اوطورورکن هر نه وضعیته اولسه برهیکل
 حسن و آن ایدی کوزلرینک اتعاعات نافذه سی ، وجهنک طراوت سمحانه سی ،
 سیانک خطوط لطیفه حیات افزاسیله عصرک انک کوزلارندن ایدی .
 اون دوقوز یایی حیاتنک بوانکشاف بدیعنده روحنده دراغوشلر ایچنده
 مست اولمقدن ، ذوق وصفادن باشقه هیچ برشی یوقدی . قلبنده بر شعله
 عالیمانه نیکخواهی وارسه ده فکر و روحی او درجه ملون ایدی که بوده
 یک آنی برخصلندی . مطالعه بر ساعت اولسون تحمل ایده مزیدی .
 قومده دی ، بالو ، قار ، ضیافت ، آت یاریشلی ... ایشته حیاتنک بویوک

اندیشه لری ! حافظه سی ضعیف او قتلہ برابر عزت نفسہ قارشی یاپیلان
حقارت لری . هیچ اونو تمیزی . محبتہ اولدینی قدر خصوصتہ مقررطدی .
ہمان ہر کچہ کندینک حاروا احتراصکار رايحہ شبانی اطرافندہ برچوق حریفار
طویلانہرق قمار اوینا یوردی . دفعہ سکر اون بیک لیرا غائب ایدنلرا کسک
دکلدی !

اصیلزادگان ، رہا یین ، نظاردہ طنطنہ و دبہ خصوصندہ حکمدار لری
تقلید ایدیورلر ، ورسای حیاتی کوچوک بر مقیاس داخلندہ بوتون ولایتلر
تطبیق اولونیوردی . اووقت فرانسنک دول اجنیہ نزدندہ کی سفراسی دہ
زینت وسفاہت لری ، مسامرہ و مرقصہ لریلہ زمانزدن ایکی اوچ قات فضلہ
صرف ایدہ بوتونیورلردی .

بوتون اوروپادہ زادگانک بوکا بکزر عاتلری واردی . فقط اورادہ
زمینک قوۂ انباتیہ سی فرانسنہ درجہ سندہ اولمادی کی تحملردہ ائی جنسندن
دکلدی . فرانسنہ ایسہ ہرشی بویلہ برطرز گذارش حیاتیہ یاردیم ایدیوردی ،
ودہای ملی ایلہ ادارۂ سیاسیہ بر برینہ توافقی ایدیوردی : فرانسلر جمعیتدن
قونوشمقدن خوشلانیرلر . بو عاداتا ونلرایچین براحتیاج طبعیدر . انجہ ، ظریف ،
شوخی وشاطر ، نکتہ پرداز بر قدرت کلامیہ و خطابیہ مالکدرلر . مکالمہ
اونلرک نظرندہ بر قوشک طیرانہ بکزر ، بو افکاردن افکارہ اشکال بی
نہایہ التندہ اوچقدردہ ایشہ طبیعت فرانسنہ صالونلری مکمل یاپامایہ یاردیم
ایتدیکی کی عمومہ حسن معاملہ ایلہ ، لطیفہ لریلہ بوکا قرالدہ حرمت
ایدیوردی . نالہ بران : « ۱۸۷۹ دن اول یاشامایانلر ذوق حیاتی بیلزلر . »
دیردی . وفی الحقیقہ اووقت حیات ذوقدن عبارتدی .

مصالح عمومہ ، ادارۂ بیتہ کی شیلر اوزرندہ اتعاب ذہنہ ، صرف فعالیتہ
لزام کورلیوردی . مسائل حیاتیہ ، حادثات مهمہ ملاعب لفظیہ وسیلہ

اولویوردی : اتفاق ، محاربه ، معاہدہ ، ویرکی ، نظار بوتون بوتون
حقنہ یاسیلان ہجویہ لر ، تحف شرقیلر قہقہہ عمومیہ ایچندہ او قونیوردی .
تفسیحات اخلاقیہ اودرجہدہ ایدی کہ بویلہ اکلچہ لی ، کوزل جملہ لرتشکینہ
خدمتدن دولائی فلاکتلر بیلہ آلیشلائیوردی ! نہ کر اوپہ رالی برضافتہ
سایہ سندنہ بوتون اجراآت مهمہ مالہ سندن زیادہ بویوک برشہرت قازانمشدی !
مقصد حیات اکلنک دیکیدی ؟...

فکر عالہ اورتان قالمشدی . کبار دائرلرندہ حیات بوس بوتون
آیریدی . زوج وزوجہنک دائرلری ، اوشاقلری ، عربہ لری ، دوستلری
باشقہ باشقہ ایدی . طرفین یکدیگری ایحق بعض مراسم وشریفاتہ تبعینلہ
کورہ ییلوب بررینہ مادام ! موسو ! دیہ خطاب ایدیورلریدی . حسیات
صداقت وارتباط چوقدن قالمشدی . زوجہنک بولندی یردہ زوج
بولونامازدی ! حریت تامہ ووردی . حسد حق عشق بیلہ زمانک قواعد
ظرافت وادبندن خارجدی . مفارقت و تجدید مناسبت بلا مشکلات
اولویوردی . اک حیوانی احتراصات اراتق دیکنلرینی غائب ایتمشدی .
انسانلرہ الکعلوی بررہنهای فضیات اولان حس ناموس و حیثیت بوغولمشدی .
زمانک صنعت اجتماعیه سی طبع بشر دیکی عصیان بیلہ ضبط ایتمشدی . عالہ
آراسندہ ہیچ صمیمیت یوقدی . چوجوقلرک تربیہ ابتدائی لری اہمان ایدیلیور
وبرمدت صوکر ا قیزلر مناسبتلرہ کوندریلیوردی . اونلرہ یورومک ،
اوطورمق ، ایاقندہ دورمق ، قول ویرمک یلہازہ فی قالدیرمق ، دیکلہ مک ،
کولمک ، رقص ایتک ایشہ بوتون بومہم شیلر اوکرہ تیلیوردی .

بوسایہدہ پارس بوتون اوروپانک مکنی اولدی . انکلتزہ ، آلمانیا ،
روسایہدہ کنجیلر بر پارچہ قواعد ظرافت اوکرہ نہ بیلک ایچین اوریہ
کیدییورلریدی . بعض سالونلر اویلہ بر محکمہ تمیز ایدی کہ اورادہ آداب

معاشرت قواعدینه صورت قطعیده رعایت ایدلیر؛ بر سکوت ، بر آه موجب
مواخذہ اولوری .

وندیکده اون سکنجی عصرده قارناوال آلتی آی دوام ایدرہش .
فرانسهده ایسه باشقه بر شکل آلتندہ بوتون سنہ دوام ایدروردی . فقط
دها جاذب ، دها انجہ اولقی ایچین سواقنردہ دکل صالونلردہ ، آویزه لڑک
التندہ جریان ایدلوردی .

انسان نتیجهده هرشیدن حتی ذوقدن ، اکلجهدن یله بیقیور . محررین
وصنعتکاران سایهسندہ عصرک مرض روحی کشف ایدیلوردی : بو اویله بر ساحت
حیات ایدی که اوزرنده هرشی ساخته ، غیرطبیعی ایدی . ده قورلر ، قوستوملر ،
سسلر ، سوزلر ، فکرلر حتی حسلر بیله مرتبدی . دوشونمک ، حس
ایتمک ، یاشامق واولمک هپ مودایه کوره ایدی . شخصیت یوقدی .
اعلان عشق ، قطع مناسبت بیله بر طاقم قیود و نظاماته تابع ایدی . بر
شخص سویه معتاده نک فوقه یوکسه لیر ، معین چرچیوهی تجاوز ایدر
ایتمز « حیوان ! » دیه تحقیر ایدیلوردی . ادبیاتده اولدینی کی حیات دوده
مودهل خارچنده برشی یاییلیه حق ایدی . افعال واقوال معین و محدود ایدی .
یوکفیت ذوق لسانی ، قوه تشبیهی ده محو ایتمشدی . حسیات عمیقہ ،
خالصیت وجدانیه و محبت مفقود کیندی . خفیف المزاج اولقی بر ظرافت !
لاقیدی قلب مودا ، قابلیت تأثیره بر ضعف کی تلقی اولونیور عشق ایلہ
آلای ایدیلوردی !

روصو و تلامیذ عرفانی سایهسندہ بر جریان افکار حصوله کلدی .
پیدرپی طبیقه ، سادگی اخلاقه عودت ایدیلوردی . حیات روستائی
سویلیور؛ بر قلبه ، بروحه مالکیت لزومندن بحث اولونیوردی . بو حال
زمانک ادبیات وضعتمدهده کورولور .

فرانسه صنف زادگانی اودرجه رفیق و ظریف اولمشدی که غوغای حیات ایچین کندنده هیچ قوت قالمامشدی . حال بوکه بو عالمده یاشامق ایسته نیورسه دو کوشمک لازمدر . حکم ونفوذ ، طبیعتده اولدنی کبی انسانیتده قوتده در . کندینسی مدافعه صنعت و قوتی غائب ایدن هر مخلوق پارلاقلی ، بصیرتسرلکی ، زاکتی نسبتده اطرافده دولاشانلرک اشتها سنه شکار اولور . تصویر ایتدی که ز اخلاق وعادات ایچنده قوه مقاومتی نرده بولاجغز ؟

کندینی مدافعه ایچین هرشیدن اول اطرافنه باقق ، کورمک ، تهلکه به قارشى تدبیر اتخاذ اتمک ایجاب ایدر . زادگان ایسه شاتولرینه ، کاشانه لرینه قاپانه رق خارجدن نه رفکر ، نده برتشیدن خبردار اولوبورلردی . دار براق ایچنده وعالم خیالانده یاشایورلردی . برکویونک ، بربورزووانک حسیاتی اکلامایه ، وداستان اضطرابانی اوقومایه مقتدر دکلردی . عمای فکریدن منبعث بر غفلتله هر شینک محور لایقنده دوران ایتدیکنه ایمان ایتمشلردی ! دوق دورلثان انازه نرونک هیچ برشی یا بماقسرین حتی اوامر خفین بیلله قالدیرمه رق کیده جکنی بجه قومیشدی . فرانسه منای عظیم سلطتی یقلمایه باشلادینی وقده آبی کوروب آبی محاکمه ایده مدیلر . معماری اجتماعیه دأر هیچ بر وقوفلری یوقدی . برنجی قاتی اشغال ایتدکلری قابریقه نك نه بنیه سنی ونده تقسیمات وموازنه سنی بیلورلردی . عصیان وحشی به قارشى هپسی حاجز و پریشان ؛ هپسی محکمه به سیاستگاهه پر عظمت کیدیور . اصول مراسم ارتق طبیعت ثانیه اولمش . بو طبیعت فضائل و فضایل اخلاقیه لرنده مرئی ومشهود . خنی سقوطلرنده ، حتی اولوملرنده بیلله !

— مابعدی وار —

احمد شهب